



Pou Piblikasyon Imedya: 01/12/2021

GOUVÈNÈ KATHY HOCHUL

GOUVÈNÈ HOCHUL SIYEN LEJISLASYON KI KREYE YON SISTÈM SENPLIFYE POU PEMAN SÈVIS SOSYAL POU FOUNISÈ GADRI YO

Gouvènè a siyen lejsilasyon (A.5840-A/S.5162-A) ki egzije distri sèvis sosyal lokal pou yo ofri yon opsyon peman atravè depo dirèk pou gadri ki gen sibvansyon yo.

Gouvènè Kathy Hochul siyen jodi a lejislasyon ki egzije distri sèvis sosyal lokal yo pou ofri yon opsyon peman atravè depo dirèk pou gadri ki gen sibvansyon yo. Sa pral modènize ak senplifye sistèm lan pou peman sèvis sosyal pou founisè gadri yo. Biwo Sèvis pou Timoun ak Fanmi (Office of Children and Family Services, OCFS) an gen obligasyon pou pibliye nouvo règleman sa yo nan yon ane apati lè yo siyen lejislasyon sa a.

"Gadri se kle pou rekiperasyon ekonomik nou anba pandemi sa a, epi mezi sa a pral akselere livrezon fon pou founisè gadri yo ak soulaje estrès finansye reta potansyèl yo lakòz pou resevwa peman sibvansyon", **Gouvènè Hochul te deklare**. "Nou pa kapab gen yon retou ekonomik san estimile gadri, epi lejislasyon sa a se yon lòt etap nan yon seri inisyativ odasye m ap dirije pou konsolide pwogram yo nan tout eta a ak mete gadri bon kalite, nan pri abòdab disponib pou tout paran ki bezwen sa".

Nan sistèm aktyèl la, anpil founisè gadri resevwa chèk an papye nan men distri sèvis sosyal lokal yo kòm peman pou swen yo bay timoun ki eliijib pou resevwa yon sibvansyon. Enpresyon ak ekspedisyon chèk an papye ogmante san rezon tan sa pran pou trete peman pou founisè yo, sa ki mete presyon finansye sou sila yo ki ka deja depann de chèk pou viv. Peman atravè depo dirèk yo pral elimine baryè pou peman alè sa ak retire yon fado administratif, sa k ap pèmèt founisè gadri yo konsantre sou bay swen bon kalite pou timoun yo nan New York.

Komisè OCFS la, Sheila J. Poole, te deklare, "Founisè gadri yo k ap sèvi fanmi yo ke peman sibvansyon yo sipòte konte sou peman alè ak merite sa pou ka jere biznis yo. Li esansyèl pou nou fè tout sa ki posib pou nou ankouraje sante fiskal pwogram gadri timoun enpòtan sa yo. Se yon etap enpòtan nan modènize sistèm lan ak elimine yon pwoblèm administratif pou pwogram gadri ak distri sèvis sosyal lokal yo. Mwen felisite Gouvènè Hochul pou lidèchip li nan sipòte founisè gadri nou yo epi pa ka tann pou kòmanse aplike nouvo lejislasyon sa a".

Senatè Jabari Brisport te deklare, "Travayè nan gadri yo gen obligasyon pou navige yon sistèm fragmanter ki mete yon gwo fado administratif sou zepòl yo ak kite yo nan dout si yo kapab pèmèt yo kontinye rete fonksyonèl. Kreye yon sistèm inifye ki pèmèt yo resevwa peman sibvansyon yo pi rapid, san pwoblèm chèk papye yo, se yon etap enteresan nan direksyon pou rezoud kòz kriz gadri kache sa yo. Mwen gen espwa ke pwojè lwa sa a kapab yon tranplen pou yon sistèm gadri ki totalman inivèsèl ki valorize tan travayè gadri yo ak asire yo byen konpanse pou travay yo".

Manm Asanble Sarah Clark te deklare, "Twò souvan founisè gadri nou yo travay avèk kèk nan maj ki pi piti yo epi nou pa dwe agrave difikilte yo. Kounye a, founisè yo dwe navige nan yon pwosesis obsolèt ki egzije peman yo soti sou fòm chèk, ki rive nan kourye nan kat a sis semèn apre soumisyon. Founisè yo sèlman pa kapab pèmèt yo tann, espesyalman pandan y ap rekipere apre pandemi an. Pèmèt depo dirèk pou founisè gadri yo pral asire sila yo k ap pran swen timoun nou yo gen resous yo bezwen nan yon tan konvenab epi ap pèmèt yo konsantre pito sou bay swen pi bon kalite pou timoun nou yo. Lè manm CSEA yo ak founisè gadri lokal yo te pote pwoblèm sa a ban mwen, entwodui lejislasyon sa a se te yon bagay ki klè. Pa gen okenn solisyon bon sans ki pral ede rann founisè yo antye ak ekonomize lajan eta a. Pandan n ap kontinye anpil lòt defi ekosistèm gadri nou an fè fas, sipòte fanmi, founisè ak timoun yo se priyore a. Mwen remèsyé Gouvènè Hochul, defansè gadri nou yo, ak pati konsène yo dèsk yo pote solisyon bon sans a nan lwa eta. Mwen pa ka tann pou m travay avèk kòlèg mwen yo nan lejislati eta a sesyon k ap vini sa a pou atenn objektif nou pou vrè gadri inivèsèl pou tout moun".

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)